



~~72452~~

Yg 7112 R







Tysch Zucht.

Die in dyssem biech-
lein findest du kler-
lich wie man die
kind soll lernen
schöne Tysch
zucht.

Ex
Biblioth. Regia
Berolinensi.

Merck die tyszsucht

Wann du zu tische wöllest gan
Deine hende solt du vor gewaschen han
Vnnd schneid die negel ob den henden
Dass sy dich nie werden schenden
An deinem tisch byß milt vnnd fro
An frembden ort thu nie also
Vnnd syz wo dich der wirt hyn schaff
Das benedicite soll sprechen ain pfaff
Wer aber des nit künde oder wäst
So ist das pater noster das bäst
Vnnd bit got mit sinnderm fleyß
Das er dir gesegen das trinck vnd die speys
Wann vnmaßigkait wirt an manchem geröchen
Als herr freydanc hat gesprochen
Es essen tanjent ee den todt
Ee amer stirbt des hungers not
Es ist auch die trinckenhait selten so freyg
Es sey schand/sündt vnnd schad dabey
Vnns ist not der gottes güt
Das er vns mit seinen gnaden behüt
Nym auch war das kain vn sauber ding
Klab an deines missers kling
Vnnd wenn du brot wilt schneiden
Differ vnzucht solt du auch meiden
Setz es vorn nie an dir buß
Nach der alten weiber geluß
Läg auff die klingen dein synger nicht
Als oft dir schneiden not beschicht
Du solt dich auch nicht vergessen
Das du der erst seyst in das essen
Wo du sygest ob ainem tisch
Wann es stünde gar leppisch

Du solt auch nür für dich greiffen
Dein heimdt für kain andern schleiffen
An ains anndern ort oder mitten
Nach der groben pawen sytten
Wann ir ayer dann essen wolt
Leir sy eingenezt oder schält
Schneid ee das brot darzu mit wigen
Mit dem munde solt du es nit spizen
Greiff in die ayer mit dem finger nit
Als man von den jungen kynnden siht
Die ayerschaln wider in die schüssel leg
Wurff sy von dir nit in den weg
Auch wer senff vnnnd salzen yffet geren
Der soll differ vnzucht auch entperen
Das er nie stoß sein finger darein
Daruor soll er wol behütet seyn
Raych auch niemandt salt mit blosser hande
An solche zucht byß auch gemant
Was du in den munde wilt schieben
Das solt du vor brechen oder flieben
Wann was auß dem munde gar
Das man vor besayffert hat
Das ist alles vnngeuam
Vnnnd den leuten gar widerzem
Tucken vnd fragen auch niemant soll
Ob dem tisch/es stadt nit wol
Wil lachen vnnnd schweigen ist auch nit güt
Wo man es zu tisch thut
Du solt deinen munde mit massen
Oben in das trinckgeschirz lassen
Wer essen in dem munde hat
Der trinck dieweil nit/das ist mein radt
Als ain pferd über ain byß thut
Reden vnnnd essen ich auch nit güt

Wer roget odert schneyzet als man essen soll
In das tischruch/es stadt nit wol
Als ferz ich es besynnen kan
Sich hüt daruor ain yederman
Das er solcher vnzucht nit vil pfleg
Sein elenbogen nit auff den tisch leg
Es stadt nit wol/wann es beschicht
Ob dem tisch laen dich an den ruck nicht
Steur dich nicht auff den elenbogen
Sitze auffrecht vnnnd nit geschmogen
Schneitz dich nit mit blosser hande
Nym ee für dich dein selbs gewande
Wilt du volgen differ leere mein
Der erst solt du nit in das essen sein
Aber salbander magst du wol greiffen ein
Wo der leut vil vmb ainen tisch seind
Vnnnd salbander niemant trincken sol
Mit ainem löffel/es stadt nit wol
Nym auch auff den löffel nit zuvil
Vnnnd halt yn hostlich bey dem stil
Vnnnd bring yn gar schön auß dem munde
Damit leg yn gar für dich zu stundt
Vnnnd greiff nach kainem andern mer
Biß dir dein munde sey worden leer
Du solt auch nit betreuffen dein selbs gewande
Wann es ist dir ain grosse schande
Beklaib dich auch nit vmb den munde
Oder du wirfst zügleich ainem hunde
Den man nennet wysch den part
Des müßt du dich dann schamen hart
Du solt auch nit für dich legen das best
So bey dir sitzen frembde gest
Embeit den andern damit zucht vnnnd eer
Das ist des weysen mannes leere

Das man also halt zucht vñnd scham
Ain fraw ist gar ain edler nam
Den man pillichen eere thut
Durch Marien der inuckfrawen gut
Das du nit arges thust von yn sagen
Wilt du den weisen wol behagen
Das wollen wir also lassen bleiben
Vñnd von der tisch zucht meer schreiben
Welcher sich über die schüssel habe
Vñnd darzu erdischen inn sich schnabe
Mit dem munde/als ain eberschwein
Der soll billich bey andern schweinen seyn
Wer auch schnauwet als ain dachs
Vñnd schwunzelt als ain wasser lachs
Der selbig seiner zucht gar vergiffet
Wo er bey anndern leiten syt
Es beissen auch erlich ab den schnitten
Nach der groben parrn sytten
Vñnd stossent es wider in die schüssel
Vñnd schmalzigen yre fynger vñnd drück
Die haben billich annder leut fluch
Wann sy seind gröber dann sack tuch
Elich seinnd auch so frässig war
Vñnd haben irs munde nit eben war
Vñnd beyssen sich selber in die hande
Sölich geyrigkeit ist auch ain schande
Ich waiß auch das es übel stadt
Wer an ainem bayn genaget hat
Vñnd es widerumb in die schüssel thut
Das nemen die anndern nit vergut
Wisch auch dein munde ee du thust trincken
Das der wein dauon nit gewynn faist zincken
Die schweben dann in dem trinckgeschir: oben
Für war es mag das nyemandt geloben

Vñnd wann dein gesell trincken soll
Ysse dieweil nit/das stede wol
Vñnd wenn man also gessen hatt
Ee man dann von dem tisch auff statt
Trinck ain yeder vor sant Johans seggen
Das er sein alzeit thut pflegen
Vñnd laß damit also beleiben
Sein zungen nit in dem munde vñndscheiben
Als ob er sich allererst sein speys
Wann es wer gar ain grosse vñnweys
Es füllen auch erlicher sein sack
Das darein nit meer mag
Der ist ain gauch in allen meinen synnen
Im mocht wol etwas entrinnen
Entweder vñnden vñnd oben
Das thun die weysen nit loben
Wann es ist schamper vñnd vñrayn
Man versteet wol was ich main
Vñnd wann du von dem tisch wilt auff ston
Ain pater noster solt du vor gesprochen hon
Vñnd danck Got dem herzen seiner gnaden
Das er vns alzeit behüt vor schaden
Wann wer got dient/vñnd danckbar ist
Den selbigen verläst er zu keiner frist
Vñnd tait sein gnad mit vns hie auff erden
Das wir nymmer von ym geschaiden werden.

Hiefabñ wir ain anderts an

Wie die jungen knaben vor tisch sollen stan
Sy sollen ye hendt sch ön vor yn haben
Vñnd ir gesicht nit hyn vñd her thund iagen
Als ain hundt thut wider vñnd für
Zu dem fenster auß vñnd hynder der thür

Sy sollen stadelich nemen war
Vnnd mit den augen sehen dar
Auff dem tisch was da sey nor
Saltz/teller/löffel/vnnd auch brot
Die trinckgeschir gewaschen zu dem wein
Darzu sollen sy gar fleissig sein
Vnnd wann sein ainer nit thut
Den soll man streichen mit ainer rit
Damit macht man sy behende
Wo man sy dann außsende
Es sey nach wein brot oder byer
Das er erwidert kumb schier
Vnnd wenn man ainem ruffet oder schrey
Das er als pald da sey
Vnd merck was man mit ym thut schaffen
Das soll geschehen on wider klaffen
Also soll man sy in der iugent
Ziehet auff eer/zucht/vnd tugent
Vnnd nit knaben vnnd biiben allain
Sunder die tochterlein ich auch main
Die allzeit wollen schwärzen
Als die bösen taschen vnnd hagen
Vnnd lassen niemandt gehören auß
Sy solten stil schweigen als ain mauß
Auch main ich die juncfrawelein
Die sollen nit zuvil schärzig sein
Sy sollen munde vnd augen haben in hüt
Wann reden vnnd sehen yn offtschaden thut
Eeman es von yn solt leyden
Man solt yn ee die zungen auß schneiden
Oder sy streichen mit ainem bircken reiß
Das sy nit gewonten solcher weis
Sy sollen auch nit reden zu allen sachen
Damit sy krieg vnnd vnfrid machen

Ir ains on nothdorfft nit reden soll
Oder sey vngefragt das steet wol
Man soll sy ziehen auff ware wort
Das ist der aller höchsten holt
Man soll sy straffen mit bel vnnd güte
Das sy vor lügen werden behüt
Wann wer mit verdachtem müß leigert
Der selbig mannich mensch betreiget
Im mag auch niemandt vertrauwen
Es seyen man oder frauwen
Daruor hüten sich die alten/vnnd die iunngen
Es ist vnrayn/vmb verlogen zungen
Hyerumb soll man es bey zeiten weren
Vnnd sy darumb mit beimgeln weren
On das wais ich nichts das straflich sey
Wann welchs mensch gewont leckerey
In der iugent/der wirt ain schlauch
Sy fressen heimlich in der mauch
Was sy in die winckel mügen bringen
Es sey an müß/birn/oder andern dingen
In die oemel vnnd in die biiben
Wer das weert/der thut almüßet
Wann auß so gethonen lecker vnnd leckerin
Werden auch eytel biiben vnnd biubin
Es werden auch dieb vnnd diebin dar auß
Das nichts sichers ist vor yn/im hauß
Darumb soll man schlagen vnnd baren
Vnnd es mit grossen strachen weren
Das soll man thun on alles ablassen
Byß sy sich solcher vntugent massen
Ain güter baum/tregt güte frucht
Des menschen adel ist tugent vnnd zucht
Die zucht ist edel vnnd auch güte
So ym ain mensch selber thut

Wer vnueruinnffig ist vnnnd höre
Vnnnd will nicht in ain recht geferde
Den muß man schelten vnnnd straffen
Vnnnd darzu bey dem har rauffen
Womant kyndt on forcht laste wachssen
Die werden wilde vnnnd vngelachssen
Von weysen leuten gar vnwerdt
Das yr fürbas nyemandt begerdt
Hierumb sol man sy halten in forcht vnnnd sorgen
Bayde den abende als den morgen
Das ist mein rade vnd mein leer
Wann wer on sorg ist der ist on ere
Liebende kyndt oa besserent eich bey
Als lieb eich zucht vnnnd eere sey
Vnnnd fürchten got vor allen dingen
So mag eich nit misselungen
Damit hat dis büchlein ain ende
Got der almächtig vns sein gnade sende


Von dem hauszgesindt


Ir hauszmayd vnnnd ir knecht
Wercket eiuwer ampt vnnnd regel rechte
Dein arbit spat vnnnd frö bedenck
Wasch das hantfaß/keer tisch vnnnd benck
Teller/löffel/stül/vnnnd gedrenck
An saltz/brot/tischruch/vmbleg gedenc
Sich vmb/behend du lauff
Vnnnd trage zum tisch bey zeit auff
Krausen/glöser/bäcker/end vnnnd weyt
Nach lust außschwenck zu rechter zeit
Dein hende vor dem tisch hab rechte für dir
Vnnnd schenck nit wein ein für bier
Schicke man dich kumm wider trar
Vnnnd sag was man geantwurt hat

Vnnnd raum auff schön nach dem essen
Vnnnd schaw sey darynn vuergeessen
Auch sich auff das man nicht verzuck
So bleibt dir vngebeert dein ruck
C Secht wo der sun für den vatter geet
Vnnnd der lay on den priester zum alter stet
Vnnnd der knecht sich über den herren setz
Vnnnd der pawr für den edelman das wiltprachetz
Vnnnd die henn freet für den han
Vnnnd die frau redt für den man
So soll man den sun straffen auff der matten
Vnnnd sol dem layen scheren ain narren platten
Vnnnd soll den knecht hinder die thür stellen
Vnnnd soll dem pawrn ain ewü darnider fellen
Vnnnd soll din hennen an ain spieß tagen
Vnnnd soll die frau mit ainem aichen vengel schlagen
So hat man yn allen iren rechten lon geben
Wann got der hasset ain vnordenlichs leben
C Secht wo der vatter förcht das kindt
Vnnnd leß sich führen denn ee er wirt blinde
Vnnnd der wirt im hausz geschayert geet
So er wol übel vnnnd güte versteet
Vnd den herren daingt vnd yrgt den knecht
Vnd den bösen eert vnd den frommen versinacht
Vnd die priester/spielen/süchen vnnnd schweren
Das yns die layen müssen wären
Vnnnd der hert arbit lang fast auff den tag
Vnd der müßig genger frö fult sein sack
Vnnnd der pawr streit vnd der ritter fleucht
Vnd der arm war sagt vnd der reich leucht
Ist dem klaid das hind nit herfür gekert
So hat mich d schneid das hantwerck nit rechte gelert

[Faint, illegible handwritten text, likely bleed-through from the reverse side. The text appears to be organized into several paragraphs.]







Historia naturalis et geographica

Litt. germ.

